



遠 足

往過國校仔咧辦的迫迫號做『遠足』，序大人會代先買寡四秀仔佢汽水予我紮。後來，我捌問阿母，厝內都遐爾散矣，豈有閒錢咧？伊講：「手頭絀是一時，面底皮才是永久的，輸人毋輸陣，才袂 hǒng 看衰稜！」

有一改，是去八斗仔，先對學校邊的相思仔嶺過，碰(pōng)著運搬塗炭的輕便鐵枝路，欲橫(huâinn)過的時陣，一列輕便車拄好駛到位，工人攞手咻囡仔佢個同齊鬥揀。老師無出喙共阮擋，逐個相爭擊手腕，無咧管是毋是會沐烏去，綴人大細聲咻，杳杳仔仔幹入去個的炭埕，有一个職員倚出來說(sueh)多謝，閣喊(hiàm)阮入去奉茶，老師探頭去講無欲攪擾，規陣手那攢、跤那徙，繼續趕路，舞甲大粒汗、細粒汗，應該會軟跤才著。毋過，囡仔有輕便車通揀，顛倒講好耍，無人哼忝。

到八斗仔漁港的海埔了後，看著足濟討海人咧牽罟，老師喊(hiàm)囡仔總倚去鬥摸大索。查埔查某、囡仔大細、老的佢少年的，摻摻做一夥同齊出力，跛蹄仔綴「嘿咻、嘿咻」的喝(huah)聲那徙那退，一伐(huàh)出一聲，有粗有幼、有懸有低咻袂煞。閣過一暍仔久，長長的魚網牽起來沙埔，規個網仔底齊是金燦燦、細細隻的魴仔魚咧蟯蟯趕，這味才是個欲控的，內底有濫一寡較大隻的狗母鯪、白皮刀佢足濟毋捌看過的魚仔，牽罟的討海人攞共揀出來外口，講欲送阮遮個囡仔兄做伴手，一个攞有兩、三尾通分，刁工攢鹹草貫(khng)著，予阮揸轉去厝裡。

囡仔人出力咧摸索仔，毋但流汗爾，嘛有忝著，真正好耍閣心適。毋過，我上數念的，是牽罟這款生目睷毋捌看過的代誌，到今猶無閣拄過，較加嘛記甲牢牢，毋敢共拍交落去。

作者：藍春瑞

☆詞彙學習☆

- | | |
|------------------------|-------------------------------------|
| 【hǒng】：「予人」的合音 | 【一伐】tsit-huàh：一步 |
| 【衰稜】sue-bái：倒楣 | 【囡仔兄】gín-á-hiann：稱呼陌生小孩子的說法 |
| 【咻】hiu：大聲喊叫 | 【鹹草】kiâm-tsháu：三角藺。早期市場用來綁青菜、魚、肉的繩子 |
| 【擊手腕】pih-tshiú-ńg：捲起袖子 | 【拍交落】pah-ka-làuh：遺失 |
| 【探頭】thàm-thâu：出面 | |
| 【牽罟】khan-koo：在海邊拉網捕魚 | |

☆文法學習☆

【那……那……】：邊……邊……，表示動作同時進行。本文「手那攢、跤那徙」即為「一邊揮手告別、一邊移動腳步離開」之意。另如「那行那看」為「邊走邊看」、「那講那哭」為「邊說邊哭」。